



GIG
CYMRU
NHS
WALES

Cydweithrediad
Iechyd GIG Cymru
NHS Wales Health
Collaborative

Ebrill 2021 | Fersiwn 1

RISP Newyddion

Cylchlythyr Swyddogol Rhaglen Gaffael y System Gwybodeg Radioleg

CROESO

Rydym yn falch iawn o lansio ein rhifyn cyntaf o e-Gylchlythyr chwarterol **Rhaglen Gaffael y System Gwybodeg Radioleg (RISP)** sy'n disgrifio ein prosiectau, cynnydd, datblygiadau parhaus a'n digwyddiadau sydd ar ddod.

Mae'r cylchlythyr hwn yn tynnu sylw at y gwaith gwybodaeth y mae ein sawl Tîm Prosiect RISP yn ei wneud ar y cyd â chlinigwyr, gwyddonwyr ffiseg feddygol, rheolwyr busnes a staff gweinyddol, radiolegwyr a phartneriaid eraill o Wasanaeth Gwybodeg GIG Cymru (NWIS), y GIG ehangach, a Llywodraeth Cymru, i gefnogi moderneiddio'r Gwasanaethau Delweddu ledled Cymru. Y prif amcan yw cwrdd â gofynion clinigol gwasanaeth delweddu modern ac optimeiddio gofal, diogelwch a chanlyniadau cleifion trwy gaffael system o'r radd flaenaf a fydd yn cyflawni

'datrysiad electronig di-dor o'r dechrau i'r diwedd, o dderbyn atgyfeiriad hyd at gyflwyno adroddiad radioleg'.



Rhaglen gydweithredol yw hon ac rydym yn croesawu cyfraniadau o bob rhan o'r gwasanaeth. Rydym yn eich annog i gymryd rhan yn y Rhaglen wrth iddi ddatblygu. Bydd eich adborth yn caniatáu inni gyflawni'r datrysiad gorau i staff a chleifion ledled Cymru gan helpu i gefnogi newid busnes a dod â buddion i ni i gyd.

Hoffem ddiolch i bawb sydd wedi gweithio gyda ni dros y flwyddyn diwethaf a chroesawu aelodau newydd ein tîm sy'n ein helpu i sefydlu rhaglen arloesol sydd â chymaint i'w gynnig i'r gweithlu delweddu ledled Cymru.

I gael rhagor o wybodaeth am Fap Trywydd a Phrosiectau'r Rhaglen, ewch i'n tudalen we

Ewchi dudalen we
RISP

YNGLYN A'R RHAGLEN

Rheolir y Rhaglen RISP, a sefydlwyd yn 2019, gan Gydweithrediad Iechyd GIG Cymru ar ran GIG Cymru.

Er mwyn cyflawni'r amcan o system o'r dechrau i'r diwedd, byddwn yn cynnwys pedair system sydd o fewn cwrdd y caffael:

- System Archifo Lluniau a Chyfathrebu (PACS) yn storio'r holl ffeiliau delweddu diagnostig
- System Gwybodaeth Radioleg (RIS) sy'n caniatáu i ddefnyddwyr olrhain cofnodion cleifion
- System Rheoli Dosau Cleifion (PDMS)
- Ceisiadau Prawf Electronig (ETR)

Bydd y systemau'n integreiddio â'i gilydd a chymwysadau eraill GIG Cymru i sicrhau bod gwybodaeth yn cael ei throsglwyddo a'i diweddu'n hawdd, gan ganiatáu i ddefnyddwyr fonitro statws claf sydd yn y broses o gael diagnosis, triniaeth a llwybrau adferiad.

Bydd y Rhaglen RISP yn cael ei darparu mewn pedwar rhan ac ar hyn o bryd mae bron â chwblhau Rhan 1 trwy weithio i gyflawni'r Achos Busnes Amlinellol (OBC) a'r Fanyleb sy'n Seiliedig ar Ganlyniad (OBS) i alluogi'r rhaglen i symud ymlaen i'r cam Caffael (Rhan 2).

Cam 1	Cam 2	Cam 3	Cam 4
Cyn Caffael	Caffael	Datblygiad	Gweithredu
Mehefin 2019 – Medi 2021	Hydref 2021 – Rhagfyr 2022	Ionawr 2023 – Gorffennaf 2023	Awst 2023 – Rhagfyr 2024
- Diffiniad o'r Rhaglen - Achos busnes amlinellol - Dogfennaeth gaffael	- Caffael - Achos busnes llawn	- Ffurfweddiad a phrofi - Integreiddio system - Mudo data	- Gweithredu - Cyfnod trosglwyddo

DIGWYDDIADAU



Cynhaliwyd cyfres o sioeau teithiol rhithwir drwy gydol 2020 gyda'r holl Fyrddau lechyd ac Ymddiriedolaethau i drafod gweledigaeth y rhaglen, sut mae'n cyd-fynd â nodau strategol allweddol y Bwrdd lechyd a strategaeth Llywodraeth Cymru, y buddion, yr heriau a'r goblygiadau ynghylch adnoddau a ragwelir ar gyfer Byrddau lechyd.

Roedd dros 270 o gydweithwyr o bob cwr o Gymru yn bresennol ac maent wedi helpu Rhaglen RISP i lunio'r opsiynau cwrpas, datrysiadau technegol a darpariaeth gwasanaethau.

A ydych CHI wedi derbyn eich gwahoddiad ar gyfer sioeau teithiol 2021?

Rydym wedi trefnu pedwar sioe deithiol rithwir yn ystod Ebrill 2021 i roi'r wybodaeth ddiweddaraf i chi ar y cynnydd a wnaed hyd yma.

Os ydych chi am ymuno ag un o'r sioeau teithiol, cysylltwch â ni trwy'r ddolen e-bost isod i dderbyn y gwahoddiad yn eich calendr.

Anfonwche-bost aton ni!

Os na allwch ddod, mae croeso i chi ledaenu'r newyddion i gydweithwyr a allai fod eisiau ymuno â ni!

MAE ANGEN I CHI YMUÑO A NI



SIOE DEITHIOL 1: Dydd Mercher
14 Ebrill 14:00-15:30

SIOE DEITHIOL 2: Dydd Gwener
16 Ebrill 10:00-11:30

SIOE DEITHIOL 3: Dydd Mercher
21 Ebrill 10:00 -11:30

SIOE DEITHIOL 4: Dydd Gwener
23 Ebrill 14:00-15:30

Bydd y rhai sy'n bresennol yn cael cyfle i ofyn cwestiynau i dîm y rhaglen fel rhan o sesiwn Holi ac Ateb ar ddiwedd pob sioe deithiol.

Rydym yn ddiolchgar i'r staff hynny ar draws y gwasanaeth sydd wedi rhoi o'u hamser i gefnogi'r rhaglen yn enwedig o ystyried y pwysau yn sgil COVID-19.

Hoffem ofyn am eich cefnogaeth wrth werthuso a dewis y system newydd yn ystod y cam nesaf ac rydym yn chwilio am wirfoddolwyr i gymryd rhan.

DATBLYGIADAU MANYLEB

Hyd yma, cynhaliwyd cyfres o weithdai gwerthuso trwy Teams i archwilio:

- Yr opsiynau ar gyfer yr Achos Busnes Amlinellol
- Y gofynion technegol, clinigol a gweinyddol
- Sut y gellir cyflwyno'r opsiynau hyn i ddiwallu anghenion y gwasanaeth orau



Er mwyn datblygu ymhellach y gofynion ar gyfer y system newydd, rydym yn cynnal **ymarfer mapio prosesau** yn yr adrannau radioleg ledled Cymru. Bydd hyn yn dechrau ym Mwrdd Iechyd Prifysgol Bae Abertawe.

Mae bwriad i ymestyn y gwaith hwn ar draws byrddau ac ymddiriedolaethau lechyd eraill yng Nghymru, a'i nod yw dangos sut mae defnyddwyr yn rhyngweithio â'r system. Mae hyn yn cynnwys y canlynol:

- Sut rydym yn derbyn ac yn rheoli ceisiadau, fetio a blaenoriaethu
- Sut mae prosesau penodi a gwasanaethau atgoffa e-bost / testun yn gweithredu

- Beth sy'n digwydd pan fydd cleifion yn cyrraedd a dilyn eu taith trwy'r adran
- Sut mae gwaith yn cael ei neilltuo ar gyfer adrodd a sut mae canlyniadau'n cael eu cynhyrchu a "chanfyddiadau critigol" yn cael eu huwchgyfeirio
- Sut y cefnogir prosesau fel paratodau ar gyfer timau amlddisgyblaethol, adolygiadau gan gymheiriaid a chyfarfodydd addysgol

Bydd symud i blatfform newydd yn rhoi cyfle inni adolygu ein prosesau papur llafurddwys cyfredol gyda'r bwriad o wella prosesau yn y dyfodol. Mae'n bwysig i gydweithwyr ledled Cymru gymryd rhan yn y rhaglen, lle bo hynny'n bosibl, a helpu i lywio ein gwaith tua'r dyfodol.

CYSYLLTU A NI



Anfonwch e-bost Radiology.Informatics@wales.nhs.uk er mwyn:

- Gofyn am ragor o wybodaeth am y Rhaglen
- Cofrestru i dderbyn ein e-Gylchlythyr
- Cofrestru ar gyfer ein digwyddiadau rhithwir
- Dweud wrthon ni am yr hyn yr hoffech chi ei weld yn y cylchlythyr

Rydym yn croesawu derbyn gohebiaeth yn Gymraeg ac ni fydd oedi pan fyddwn yn ymateb yn Gymraeg.